

Nganong **Adunay** Shia?



Bro. Muhammad hussein Fernandez

Naghubad sa Binisaya



Edited with Infix PDF Editor
- free for non-commercial use.

To remove this notice, visit:
www.pdfediting.com

Timaan sa sulod

Nganong may shia e book	3
Shia sumala sa Qur'an	3
Shia sumala sa hadith	4
Panapus	5



Nganong may shia e book

Maghiusa kamo Ug Kupti ninyo sa tingob, ang Bugkos sa Allah ug ayaw kamo pagbulag-bulag.
(Qur'an 3:103)

NGANONG ADUNAY SHI'AH?

Ang giingon nga "Shi'ah" usa kini ka paglarawan nga maoy gigamit sa mga Muslim nga misunod diha sa mga Imam gikan sa kaliwatan (Ahl al-Bayt) sa Propeta (swas). Kini maoy ilang gigamit wala magpasabut sa panagbulagbulag (sectarianism) diha sa mga Muslim. Kini ilang gigamit gumikan kay kini maoy gigamit diha mismo sa Qur'an, ug ang Propeta Muhammad (swas) naggamit niini, ug ingon man ang mga Muslim nagamit niini—nga bisan ang pulong nga *Sunni* o kaha *Salafi* wala pa mitumaw.

Shia sumala sa Qur'an

Ang pulong nga "Shi'ah" nagpasabut nga "mga sumusunod ; mga sakop o kauban sa usa ka pundok". Ang Allah naghigut niini diha sa Qur'an nga ang uban nga iyang mga buotan nga ulipon mga Shi'ah diha sa lyahang uban nga mga buotan nga mga ulipon.

Sa pagkamuod si Abraham mao ang iyang Shi'ah.

(Qur'an 37:83)

Ug siya misulod sa dakbayan sa panahon nga ang iyang mga katawhan nanagpahulay, iyang hikit-an ang duha ka tawo nga nanagsangka, ang usa iyang Shi'ah apan ang usa kaaway. (Qur'an 28:15)

Mao nga, ang Shi'ah maoy usa ka pulong nga maoy gigamit sa Allah diha sa Qur'an ngadto sa lyahang mga taas nga mga Propeta ug ingon man nganha sa ilang mga sumusunod.

Sa ato pa, kung ang usa ka tawo usa ka Shi'ah (sumusunod) diha sa usa ka diosnon nga mga Ulipon, dili kini sayup o kaha dautan. Apan sa laing bahin, kung ang usa ka tawo usa ka Shi'ah nganha sa usa ka salawayon ug dautan nga tawo, iya unya nga ikauban ang iyang pangulo nga pagapangutan-on unya. Gihulagway sa Qur'an nga didto sa Adlaw sa Paghukom adunay mga pundok sa katawhan Allah nagsulti: nga gipangunahan sa ilang mga pangulo (Imam). Ang Allah nagsulti:

(Hinumdumi) ang adlaw nga diin Among pagaimbistigahan ang mga katawhan pinaagi sa ilang Imam.

(Qur'an 17:71)

Didto sa Adlaw sa Paghukom ang kahintang sa mga sumusunod sa matag pundok pagasukit-sukiton pinaagi sa ilang mga Imam.

Ang Allah naghisgut nga adunay duruha ka matang sa Imam:

Ug Kami naghimo kanila nga mga Imam nga nanagpanawag ngadto sa kalayo, ug sa Qiyamah walay tabang nga ilang maangkon. Ug Kami nagpasundod ug tunglo alang kanila niini nga kalibutana ug unya didto sa adlaw sa pagkabanhaw sila ipon ngadto kanila nga gipanghimaraut. (Qur'an 28:41-42)

Sa susamang butang, ang Qur'an usab nagpahayag nga adunay mga Imam nga pinili sa Allah ingon nga Giya diha sa kaytawhan:

Ug Kami nagtudlo kanila nga mga Imam nga Giya ubos sa Among pagmando samtang sila nagpailobun ug mapadayunon uban sa pagtoo diha sa Among mga Timaan.

(Qur'an 32:24)

Sa walay duha-duha, ang matuod nga sumusunod (Shi'ah) nianang mga Imam maoy mga palaran ug maoy maluwas didto sa Adlaw sa Pagkabanhaw.

Shi'ah sumala sa Hadith

Diha sa kasaysayan sa Islam, ang "Shi'ah" nga pulong gigamit diha lamang sa mga sumusunod ni Imam 'Ali (a). Kining maong pinulungan wala kini namugna diha sa ulahing higayon! Ang unang tawo nga maoy nagamit sa maong pulong mao mismo ang Sinugo sa Allah. Sa diha nga ang usa ka versikuilo sa Qur'an napadayag:

Kadto lamang nagatoo ug nagahimo sa katarung, sa pagkamatuod sila mao ang labing maayo nga binuhat.

(Qur'an 98:7)

Ang Propeta (swas) sa Allah misulti ngadto kang Ali (a): **"Kini mao ikaw ug ang imong mga SHIA (sumusunod)."**

Siya miingon sa pag-usab: **"Akong ipanumpa ngadto sa naghatag sa akong kinabuhi nga kining tawhana (Ali) ug ang iyang Shi'ah mamaluwas didto sa Adlaw sa Pagkabanhaw."**

Jalal al-Din al-Suyuti, Tafsir al-Durr al-Manthur, (Cairo) vol. 6, p. 379

Ibn Jarir al-Tabari, Tafsir Jami' al-Bayan, (Cairo) vol. 33, p. 146

Ibn Asakir, Ta'rikh Dimashq, vol. 42, p. 333, p. 371

Ibn Hajar al-Haythami, al-Sawa'iq al-Muhriqah, (Cairo) Ch. 11, section 1, pp 246-247

Ang Propeta (swas) sa Allah nagsulti: **"O Ali! Ikaw ug ang imong Shi'ah ikaatubang ngadto sa Allah nga kahimut-an ug gikahimut-an, ug unya muabut nganha Kaniya ang inyong mga kaaway nga masuk-anon ug nga tikig ang mga liog.**

Ibn al-'Athir, al-Nihaya fi gharib al-hadith, (Beirut, 1399), vol. 4 p. 106

al-Tabarani, Mu'jam al-Kabir, vol 1 p 319

al-Haythami, Majma' al-Zawa'id, vol. 9, number 14168

Nagsulti ang Propeta sa Allah (swas): **"Maayong Balita O Ali! Sa pagkamatuod Ikaw ug ang imong Shi'ah makaadto sa Paraiso."**

Ahmad Ibn Hanbal, Fadha'il al-Sahaba, (Beirut) vol. 2, p. 655

Abu Nu'aym al-Isbahani, Hilyatul Awliya, vol. 4, p. 329

al-Khatib al-Baghdadi, Tarikh Baghdad, (Beirut) vol. 12, p. 289

al-Tabarani, Mu'jam al-Kabir, vol. 1, p. 319

al-Haythami, Majma' al-Zawa'id, vol. 10, pp. 21-22

Ibn 'Asakir, Ta'rikh Dimashq, vol. 42, pp. 331-332

Ibn Hajar al-Haythami, al-Sawa'iq al-Muhriqah, (Cairo) Ch. 11, section 1, p. 247

Apan usaon sa mahal nga Propeta (swas) mugamit sa usa ka makapasiak nga pulong?

Ang Propeta Abraham ba usa ka mingsiak? Unsa usab ang mahitungod kang Noah ug kang Propeta Moses? Kung ang Shi'ah usa ka mingsiak nga pulong, dili unta ang Allah mogamit niini nga pulonga ngadtu sa iyang mga taas nga Propeta ni bisan si Propeta Muhammad (swas) mupasidungog kanila. Kini nagpasabut nga ang Propeta Muhammad (swas) dili bout nga iyahang siakon ang mga Muslim.

Iyahang gimanduan ang tanan nga katawhan nga musunod ngadtu kang Imam Ali (a) nga usa ka sinaligan, ug ang iyang sumusunod ug ang Kalifa human niya. Subo nga palandungon nga ang mga misunod sa gusto sa Propeta (swas) pipila lamang ug kini gitawag nga mga "Shi'ah ni Ali". Sila nakahiagum sa mga panamastamas ug diskriminasyon nga nag-antus Sukad sa panahon nga mibiya ang Propeta Muhammad (swas). Kung ang tanan pa nga mga Muslim misunod pa unta sa gusto sa Propeta, wala untay mga pundok dinhi sa Islam. Diha sa usa ka tradisyon, diin ang Propeta (swas) misulti:

"Human nako ang panagsumpaki ug kaligutgut mutumaw taliwala kaninyo, kung mahitabo ang maong butang lakaw ug pangitaa si Ali gumikan kay makahimo siya sa pag-ila sa kamatuoran batuk sa kabakakan."

Ali Muttaqi al-Hindi, Kanz al-'Ummal, (Multan) vol. 2 p. 612, number 32964

Ang mahitungod sa napahayag na nga versikulo sa Qur'an sa unahan, ang pipila ka Sunni Skolar misulti niini gikan kang Imam Ja'far al-Sadiq (a), ang ika-unom nga Shi'ah Imam fgikan sa kaliwatan (*Ahl al-Bayt*) sa Propeta (swas) nga nagkanayun:

"Kami mao ang Bugkos sa Allah nga kinsa maoy gisulti sa Allah: Ug guniti ninyong tanan ang Bugkos sa Allah ug ayaw kamo pagbahinbahin."

al-Tha'labi, Tafsir al-Kabir, under commentary of verse 3:103

Ibn Hajar al-Haythami, al-Sawa'iq al-Muhriqah, (Cairo) Ch. 11, section 1, p. 233

Mao ni nga, kung ang Allah adunay pagsaway sa mga nagsiak, ang Iyahang gisaway ang mga tawo nga mingsiak gikan sa Bugkos, ug dili ngadtu sa nagkupot niini.

Panapus:

Amu na nga napahayag nga ang pulong Shi'ah gigamit diha sa Qur'an alang niadtung mga dungganan nga mga Sinugo sa Allah, ug diha sa mga tradisyon sa Propeta (swas) alang niadtung mga sumusunod ni Imam Ali (a). Nga ang tawo nga misunod sa gitudlo sa Diyos nga Giya luwas gikan sa mga kalibug sa relihiyon ug nga lig-on nga nagakupot sa Bugkos sa Allah, ug gihatagan sa maayong balita alang sa Paraiso.

Alang sa dugang nga kasayuran o kaha kopya niini email :

datudjjaman@yahoo.com

Kini usa sa mga hinubad sa pinulongan nga binisaya ni:

Bro: Muhammad Hussein C. Fernandez

IMAM- Islamic Educational & Research Institute

Tickwas, Dumalinao, Zamboanga del Sur, PHILIPPINES







Edited with **Infix PDF Editor**
- free for non-commercial use.

To remove this notice, visit:
www.pdfediting.com